

Convenio de colaboración entre a Deputación Provincial da Coruña e a Axencia para a Modernización Tecnolóxica de Galicia para o uso dos servizos da Rede de telecomunicacións Corporativa da Xunta de Galicia.

En Santiago de Compostela a

REUNIDOS

Dunha parte, D^a María del Mar Pereira Álvarez, directora da Axencia para a Modernización Tecnolóxica de Galicia (en diante Amtega), actuando en nome e representación da dita Axencia, en virtude das facultades conferidas polo Decreto 252/2011, do 15 de decembro, polo que se crea a Axencia para a Modernización Tecnolóxica de Galicia e se aproban os seus estatutos e o Decreto 91/2012, do 16 de marzo, polo que se nomea directora da Axencia para a Modernización Tecnolóxica de Galicia.

Doutra parte, Antonio Leira Piñeiro , en representación da Deputación Provincial da Coruña, con domicilio, para estes efectos, en Avenida do Porto nº 2, 15003 A Coruña. Exerce esta representación en virtude do seu cargo de deputado delegado de Economía, Facenda, Especial de Contas, Persoal e Réxime Interior nomeado pola resolución da presidencia da Deputación Provincial da Coruña núm. 24.475 do 16 de xullo de 2019

Ámbalas dúas partes recoñécense competencia e capacidade, respectivamente, para formalizar o presente convenio de colaboración.

En virtude do anterior,

EXPOÑEN

1. De conformidade ao artigo 1 do Decreto 252/2011, do 15 de decembro, polo que se crea a Axencia para a Modernización Tecnolóxica de Galicia (en diante Amtega) e se aproban os seus estatutos, a Amtega ten por obxecto a definición, desenvolvemento e execución dos instrumentos da política da Xunta de Galicia relativa a tecnoloxías da información e comunicacións, así como innovación e desenvolvemento tecnolóxico
2. Esta Axencia xorde pola necesidade de constituír unha entidade única de xestión. De acordo co artigo 6.2 do Estatuto da Axencia para a Modernización Tecnolóxica de Galicia, aprobado polo Decreto 252/2011 do 15 de decembro, entre as funcións da Amtega atópanse as seguintes:
 - a. Dirección e xestión de todas as actuacións da Xunta en materia de tecnoloxías da información e as comunicacións.



- b. Elaboración, desenvolvemento e execución da estratexia tecnolóxica global do sector público autonómico de Galicia.
 - c. Definición dos estándares e directrices tecnolóxicas a que deberán axustarse todos os órganos dependentes da Xunta de Galicia.
 - d. Promoción da inclusión e execución do despregamento das TIC no ámbito da prestación dos servizos públicos.
 - e. Deseño e execución, en todas as consellerías e organismos dependentes da Xunta, dos proxectos de sistemas e tecnoloxías da información que dan soporte á súa operativa.
 - f. Fomento da colaboración e da acción coordinada entre administracións públicas en materia de tecnoloxías da información e as comunicacións.
 - g. Definición, consolidación e homoxeneización da infraestrutura TIC e os servizos de telecomunicacións do sector público autonómico.
 - h. Dirección, xestión e modernización da infraestrutura TIC da Xunta de Galicia.
3. Para a realización dos fins institucionais deste centro directivo, é preciso acometer a contratación de determinados servizos ou prestacións en base ás competencias recollidas no Decreto 252/2011, do 15 de decembro, polo que se crea a Axencia para a Modernización Tecnolóxica de Galicia e se aproban os seus estatutos, e en concreto, a contratación do Servizo da Rede de Telecomunicacións Corporativa da Xunta de Galicia.
4. Para estes efectos, hai que ter en conta que o artigo 85 da Lei 4/2019, do 17 de xullo, de administración dixital de Galicia, establece que

“1. A Administración xeral e as entidades públicas instrumentais do sector público autonómico dispoñen dunha rede de acceso que integra voz e datos nas súas principais dependencias, a denominada Rede corporativa da Xunta de Galicia (RCXG), que proporciona servizos de datos, internet, telefonía fixa e telefonía móbil.

2. Os accesos aos servizos de telecomunicacións nos edificios e nos conxuntos inmobiliarios en que a Administración xeral e as entidades públicas instrumentais do sector público autonómico desenvolven a súa actividade deberán cumprir coas medidas de seguridade e de continuidade dos sistemas, dos datos, das comunicacións e dos servizos electrónicos aplicables conforme a regulación vixente.

3. A entidade responsable da xestión da infraestrutura de telecomunicacións do sector público autonómico será a competente para supervisar e autorizar internamente as conexións da Rede corporativa con redes públicas de acceso aos devanditos servizos, establecendo as condicións específicas que se deben garantir conforme a regulación vixente”.

5. Así mesmo, o 87 da Lei 4/2019, do 17 de xullo, dispón que a entidade do sector público autonómico competente en desenvolvemento dixital será a responsable de administrar e controlar as infraestruturas dixitais que dean soporte aos servizos regulados nesta lei, garantindo a súa seguridade, debendo entenderse como tal á Axencia para a Modernización Tecnolóxica de Galicia en virtude do disposto no seu artigo 125, segundo o cal para os efectos desta lei, enténdese como entidade con competencias en desenvolvemento dixital a entidade do sector público autonómico á



que lle corresponde a elaboración, o desenvolvemento e a execución da estratexia tecnolóxica global do sector público autonómico de Galicia, entidade á que lle corresponde o desenvolvemento de aquelas actuacións, derivadas do exercicio das súas competencias, que sexan necesarias para o desenvolvemento tecnolóxico dos instrumentos que fagan posible a execución das previsións contidas nesta lei.

6. Coa finalidade de posibilitar a incorporación de entes que non forman parte do sector público autonómico, en cumprimento dos principios de colaboración, cooperación e eficiencia na xestión dos recursos públicos, compartindo o uso de recursos comúns, establecidos, nos artigos 128 da Lei 4/2019, do 17 de xullo, de administración dixital de Galicia e 140 da Lei 40/2015, do 1 de outubro, de rexime xurídico do sector público, procede acudir ás técnicas de cooperación establecidas no artigo 144 da Lei 40/2015 a través da prestación de medios materiais, económicos ou persoais a outras administracións públicas mediante a subscripción dos correspondentes convenios ou acordos no que se prevean as condicións e compromisos a asumir por cada unha das entidades que se incorporen ao contrato.

Con base nos antecedentes mencionados, as partes acordan subscribir o presente convenio que se rexerá polas seguintes

CLÁUSULAS

Primeira.- Obxecto

Por medio deste convenio a Deputación Provincial da Coruña adhírese ao contrato de prestación do servizo de rede de telecomunicacións corporativa da Xunta de Galicia, que será licitado pola Amtega. A adhesión farase de acordo coas bases e condicións que no convenio se establecen..

Segunda.- Desenvolvemento da Colaboración entre as partes

I. Obrigas da Amtega

- i. Licitación do contrato de prestación do servizo de rede de telecomunicacións corporativa da Xunta de Galicia, no que se incluíra a Deputación Provincial da Coruña. A Amtega actuará como órgano de contratación, encargado de tramitar o expediente e adjudicar o contrato

A Amtega porá a disposición da Deputación os pregos da licitación, unha vez informados pola Asesoría Xurídica, para que nun prazo máximo de dous días manifeste a súa conformidade ou, alternativamente, o seu desexo de resolver este convenio e non participar na licitación.

Unha vez adjudicado, a Amtega comunicarlle á Deputación o adjudicatario do contrato, o importe de adjudicación e calquera outra información referente ao contrato que poida serlle de interese.

- ii. Poñer a disposición da Deputación Provincial da Coruña os servizos de rede de datos contratados a través da licitación citada.



- iii. Realizar as xestións cos provedores do contrato en calidade de coordinadores do servizo na Xunta de Galicia.
- iv. Actuar no expediente de contratación e na execución do contrato en nome e por conta das partes participantes neste convenio. Deste xeito, poderá exercer todas as potestades que a lexislación lle recoñece ao órgano de contratación fronte ao contratista, sen prexuízo da axeitada coordinación nas relacións internas ca Deputación Provincial da Coruña.

II. Obrigas da Deputación Provincial da Coruña

- i. Cumprir con todas as obrigas e condicións establecidas no contrato correspondente.
- ii. Efectuar a recepción dos servizos prestados, que deberán coincidir coas características e prezos que se establezan no contrato licitado pola Amtega.
- iii. A Deputación Provincial da Coruña deberase facer cargo do abono do prezo dos servizos prestados segundo as condicións establecidas no contrato do Servizo da Rede de Telecomunicacións Corporativa da Xunta de Galicia. Os pagos realizaranse directamente ao adxudicatario do contrato licitado pola Amtega, previa emisión da correspondente factura. En caso de que a Deputación se demorase nese pagamento, de xeito que xerasen xuros de demora ou indemnizacións por custos de cobramento a favor do contratista, corresponderalle á Deputación o seu aboamento, nos termos do artigo 198.4 da Lei 9/2017, do 8 de novembro, de contratos do sector público. Así mesmo, en caso de que a demora se prolongase por enriba dos prazos establecidos nos puntos 5 e 6 do mesmo artigo, poderá proceder a suspensión ou a resolución do servizo recibido pola Deputación, sendo ao seu cargo os posibles resarcimentos a que tivese dereito o contratista por ese motivo..

Terceira.- Financiamento

Este convenio non implica compromisos económicos directos para ningunha das partes. Sen prexuízo diso, correrá a cargo da Deputación Provincial da Coruña o aboamento do prezo derivado dos servizos que se lle presten con cargo ao contrato, e de acordo cos criterios que resulten deste. Para este fin, a Deputación Provincial da Coruña garante a existencia de crédito axeitado e suficiente. O importe destes compromisos, para cada unha das anualidades do contrato, non superará os seguintes importes:

- Anualidade 1 (2021): 246.095,58 €
- Anualidade 2 (2022): 295.314,73 €
- Anualidade 3 (2023): 295.314,73 €
- Anualidade 4 (2024): 49.219,12 €

Cuarta.- Comisión de Seguimento

Para facilitar o seguimento e cumprimento do convenio, constituirase unha Comisión de Seguimento, integrada por dous representantes de cada unha das partes asinantes do Convenio.

A comisión poderá ditar as súas propias normas de funcionamento, debéndose reunir cando así o solicite algunha das partes. As súas funcións serán:



- O seguimento, vixilancia e control da execución do convenio.
- Negociar e determinar as cantidades que, no seu caso, deberá aboar cada unha das partes ao contratista en concepto de indemnización nos supostos de resolución do contrato (artigos 213 e 313 da Lei 9/2017, do 8 de novembro, de contratos do sector público), suspensión da súa execución (artigo 208) ou naqueloutros en que legalmente puidese proceder. En todo caso, a indemnización que deba afrontar a Deputación determinarase en atención á porcentaxe de participación que teña esta no conxunto dos servizos contratados, e ao seu grao de responsabilidade na produción da causa que a motive.
- Proposta, de ser o caso, de addendas.
- Coordinación das funcións de ambas as dúas partes asinantes do convenio.
- Resolver as dúbidas de interpretación e cumprimento que poida xerar a execución do convenio.
- Calquera outras relacionadas co desenvolvemento deste convenio.

Quinta.- Vixencia

Este convenio entrará en vigor o día seguinte ao da súa sinatura e vencerá cando finalice o prazo de execución que inicialmente se estableza para o contrato de prestación do servizo de rede de telecomunicacións corporativa da Xunta de Galicia, sen que en ningún caso se poidan superar os catro anos contados desde a data de sinatura do convenio.

O convenio poderá ser prorrogado antes do seu vencemento por acordo expreso das partes nos seguintes supostos:

- a) Se o vencemento do convenio se fose producir antes de que remate a vixencia inicialmente establecida para o contrato de prestación do servizo de rede de telecomunicacións corporativa da Xunta de Galicia.
- b) En caso de que se proxecte prorrogar o dito contrato.

En calquera dos dous supostos, o convenio poderá prorrogarse como máximo ata a data en que se vencería o dito contrato, incluída, de ser o caso, a prórroga deste. Non obstante, e en calquera caso, a prórroga do convenio en ningún caso poderá superar a súa duración inicial.

De non acordarse a prórroga do convenio en calquera dos supostos indicados, a Deputación poderá deixar de recibir a prestación do servizo, nos termos que se establecerán nos pregos, a partir da data de vencemento do convenio.

Sexta.- Resolución e modificación

Serán causa de resolución do convenio:

- o mutuo acordo das partes asinantes
- a manifestación fidedigna por parte da Deputación do seu desexo de non participar na licitación, unha vez lle sexan facilitados os pregos informados pola Asesoría Xurídica, nos termos establecidos na cláusula segunda.l.i.



- a finalización da vixencia do contrato de prestación do servizo de rede de telecomunicacións corporativa que adxudique a Amtega, ou a súa resolución anticipada. Porén, en caso de que a licitación quede deserta, o convenio non perderá a súa vixencia, podendo iniciarse unha nova licitación de acordo co disposto nel.
- o incumprimento das obrigas sinaladas neste convenio por algunha das partes.

O convenio poderá ser modificado por mutuo acordo das partes asinantes.

Sétima.- Resolución de Litixios

As cuestións litixiosas que poidan plantexarse respecto da aplicación, interpretación e cumprimento deste convenio que non poidan ser resoltos pola comisión de seguimento serán competencia da orde xurisdiccional contencioso-administrativa.

Oitava.- Protección de Datos

a) Tratamento de datos persoais das partes intervinientes no Convenio..

As partes intervinientes manifiestan ter sido informadas, respecto dos seus propios datos persoais que se faciliten para a formalización e o adecuado desenvolvemento deste acordo de colaboración, conforme ao disposto no artigo 13 do Regulamento 2016/679 (UE) xeral de protección de datos persoais (en diante, RXPD). A lexitimación para o tratamento dos seus datos será a execución do presente acordo de colaboración.

No caso de que, no ámbito deste acordo de colaboración, os intervinientes se facilitasen respectivamente datos persoais de terceiros, incluídos os relativos ao persoal ao seu servizo, estes serán tratados coa única finalidade de executar as prestacións derivadas do presente convenio, debendo informar previamente á súa comunicación aos interesados dos extremos previstos no devandito artigo 13.

b) Deber de confidencialidade das partes intervinientes no acordo de colaboración.

As partes intervinientes deberán respectar o segredo profesional e, en consecuencia, manter absoluta confidencialidade e reserva sobre a totalidade dos documentos, datos e informacións que lle foran confiados para a formalización do acordo de colaboración ou que sexan elaborados con ocasión da execución do mesmo. Así, quedan expresamente obrigadas:

a utilizar a devandita información exclusivamente no ámbito deste acordo de colaboración e para as finalidades previstas no mesmo;

a non comunicala, nin total nin parcialmente, a ningún terceiro sen autorización expresa do emisor salvo nos casos expresamente previstos na lei, esixindo idéntico compromiso ao persoal que empregue ou co que colabore na execución do acordo de colaboración;

a facilitar o acceso á información unicamente ao persoal que a necesite para o desenvolvemento da devandita relación, a quen se comunicará a obrigación de tratar a información á que se lles dá acceso con carácter estritamente confidencial;

a aplicar medidas de cautela e protección e destruír en calquera momento a documentación escrita recibida se así o solicita a parte que a forneceu;



Considerarase información confidencial aquela á que os intervenientes accedan en virtude do presente acordo de colaboración, especialmente a de tipo técnico ou tecnolóxico, de produción, de mercadotecnia, administrativa, ou económico-financeira, sempre que non teña carácter público ou notorio. Este deber manterase durante un prazo mínimo de dez anos desde o coñecemento desa información.

c) Condición de encargado do tratamento da Amtega.

No caso de que a Amtega, respecto ao tratamento de datos persoais que puidese levar a cabo en virtude da prestación de servizos obxecto do presente acordo de colaboración, teña a consideración de encargado do tratamento aos efectos do disposto no artigo 28 e concordantes do RXPd e o artigo 33 da Lei Orgánica 3/2018, do 5 de decembro de protección de datos e garantía dos dereitos dixitais (en diante, LOPDGDD) darase cumprimento ás obrigacións incluídas a continuación, esixindo idéntico compromiso do persoal ao seu servizo:

3.1. Utilizar os datos persoais obxecto de tratamento só para a finalidade obxecto deste encargo. En ningún caso poderá utilizar os datos para fins propios.

3.2. Tratar os datos de acordo coas instrucións do responsable do tratamento. Se a Amtega, como encargado do tratamento, considerase que algunha das instrucións infrinxe o RXPd ou calquera outra disposición vixente en materia de protección de datos informará inmediatamente ao responsable.

3.3. Levar por escrito un rexistro das actividades de tratamento efectuadas por conta do responsable, que inclúa o contido previsto no artigo 30 do RXPd.

3.4. Non comunicar os datos a terceiras persoas, salvo que conte coa autorización expresa do responsable do tratamento, nos supostos legalmente admisibles. A Amtega poderá comunicar os datos a outros encargados do tratamento do mesmo responsable, de acordo coas instrucións deste último. Do mesmo xeito, autorízase á Amtega a subcontratar os servizos necesarios para o cumprimento e bo fin da prestación convida. Neste caso, as entidades subcontratistas, terán tamén a condición de encargado do tratamento e deberán cumprir igualmente as obrigacións establecidas neste contrato para esta figura e as instrucións que dite o responsable do tratamento. Á Amtega corresponderalle regular a nova relación, de forma que o novo encargado quede suxeito ás mesmas condicións (instrucións, obrigacións, medidas de seguridade...) ao mesmo réxime de responsabilidade e cos mesmos requisitos formais que o encargado inicial, no referente ao adecuado tratamento dos datos persoais e á garantía dos dereitos das persoas afectadas.

No caso de incumprimento por parte do subencargado, a Amtega seguirá sendo plenamente responsable ante o responsable no referente ao cumprimento das obrigacións.

3.5. Manter o deber de segredo respecto dos datos persoais aos que tivese acceso en virtude do presente encargo, mesmo despois de que finalice o seu obxecto.

3.6. Garantir que as persoas autorizadas para tratar datos persoais se comprometan, de forma expresa e por escrito, a respectar a confidencialidade e a cumprir as medidas de seguridade correspondentes, das que lles informará convenientemente. A Amtega manterá a disposición do responsable do tratamento a documentación acreditativa do cumprimento desta obrigación.

3.7. Velar porque se imparta formación en materia de protección de datos persoais das persoas autorizadas para tratar este tipo de información.

3.8. Asistir ao responsable do tratamento na resposta ao exercicio dos dereitos recoñecidos pola lexislación vixente en materia de protección de datos persoais, a través de medidas técnicas e organizativas apropiadas, para que esta poida cumprir coa súa obrigación de responder ás devanditas solicitudes dos



interesados nos prazos previstos pola normativa vixente. Para iso, a Amtega facilitará ao responsable do tratamento, a requirimento desta, e á maior brevidade posible, canta información sexa necesaria ou relevante a estes efectos.

3.9. Notificar ao responsable do tratamento, de forma inmediata e implementando as medidas de seguridade necesarias, as violacións da seguridade dos datos persoais ao seu cargo das que teña coñecemento, xunto con toda a información relevante para a documentación, e comunicación da incidencia, no seu caso, á Axencia Española de Protección de Datos, conforme ao previsto no artigo 33 do RXPD.

3.10. Dar apoio ao responsable do tratamento na realización das avaliacións de impacto relativas á protección de datos e na realización das consultas previas á autoridade de control, cando cumpra.

3.11. Garantirá a implantación das previsións recollidas no R.D. 3/2010, de 8 de xaneiro, polo que se regula o Esquema Nacional de Seguridade no ámbito da administración electrónica (ENS). En todo caso, implantará as medidas de seguridade necesarias para:

3.11.1. Garantir a confidencialidade, integridade, dispoñibilidade e resiliencia permanentes dos sistemas e servizos de tratamento.

3.11.2. Restaurar a dispoñibilidade e o acceso aos datos persoais de forma rápida, en caso de incidente físico ou técnico.

3.11.3. Verificar, avaliar e valorar, de forma regular, a eficacia das medidas técnicas e organizativas implantadas para garantir a seguridade do tratamento.

3.12. Poñer a disposición do responsable do tratamento toda a información necesaria para demostrar o cumprimento das súas obrigacións, facilitando a realización das auditorías ou as inspeccións que realicen o responsable do tratamento ou outro auditor autorizado.

3.13. Comunicar a identidade e datos de contacto do delegado de protección de datos da Amtega.

3.14. Devolver ao responsable do tratamento, en caso de resolución do presente acordo de colaboración, os datos persoais e, no seu caso, os soportes onde consten. A devolución suporá o borrado total dos datos existentes nos sistemas informáticos utilizados pola Amtega. Non obstante, a Amtega poderá conservar unha copia dos datos estritamente necesarios, debidamente bloqueados, mentres se poidan derivar responsabilidades da execución do acordo de colaboración.

Novena- Réxime Xurídico.

O presente acordo de colaboración ten natureza administrativa, e rexeráse, ademais do disposto no seu clausulado, pola Lei 40/2015, do 1 de outubro, de réxime xurídico do sector público, e polas demais normas de dereito administrativo aplicable, ou no seu defecto polas derivadas de dereito privado.

O presente acordo está excluído do ámbito de aplicación da Lei 9/2017, do 8 de novembro, de contratos do sector público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014. Non obstante, aplicaranse os principios contidos nesa norma legal para a resolución das dúbidas e lagoas que puideran presentarse.

E, en proba de conformidade o asinan este acordo os intervinientes no lugar e data sinalados no encabezamento.



ANEXO: Relación de servizos prestados á Deputación da Coruña que se incluírán nos pregos

- Conexión de acceso a Internet, compartida coa Xunta de Galicia, da que se reservará un ancho de banda mínimo de 1G para a Deputación.
- Liñas de acceso coas velocidades mínimas que se indican:

DEPENDENCIA	CONCELLO	PROVINCIA	TECNOLOXIA	VELOCIDADE_
BIBLIOTECA DE IRIXOA	IRIXOA	CORUÑA, A	4G	80M
AULA DE INFORMÁTICA DO CONCELLO DE CABANA DE BERGANTIÑOS	CABANA DE BERGANTIÑOS	CORUÑA, A	ADSL	30M
AULA DE INFORMÁTICA DO CONCELLO DE CAMARIÑAS	CAMARIÑAS	CORUÑA, A	ADSL	8M
15021780 - CEIP PLURILINGÜE BRAGADE / AULA INFORMÁTICA DE OZA-CESURAS (CESURAS)	OZA DOS RÍOS - CESURAS	CORUÑA, A	ADSL	30M
AULA DE INFORMÁTICA DO CONCELLO DE COIRÓS	COIRÓS	CORUÑA, A	ADSL	20M
AULA DE INFORMÁTICA DO CONCELLO DE CURTIS	CURTIS	CORUÑA, A	ADSL	20M
AULA DE INFORMÁTICA DO CONCELLO DE LAXE	LAXE	CORUÑA, A	ADSL	25M
AULA DE INFORMÁTICA DO CONCELLO DE MALPICA	MALPICA DE BERGANTIÑOS	CORUÑA, A	ADSL	30M
CONCELLO / XULGADO DE PAZ / AULA DE INFORMÁTICA DE MAÑÓN	MAÑÓN	CORUÑA, A	ADSL	25M
AULA DE INFORMÁTICA DO CONCELLO DE MESÍA	MESÍA	CORUÑA, A	ADSL	20M
AULA DE INFORMÁTICA DO CONCELLO DE MUXÍA	MUXÍA	CORUÑA, A	ADSL	30M
CONCELLO / XULGADO DE PAZ / AULA DE INFORMÁTICA DE OZA-CESURAS (OZA DOS RÍOS)	OZA DOS RÍOS - CESURAS	CORUÑA, A	ADSL	30M
CONCELLO / XULGADO DE PAZ / AULA DE INFORMÁTICA DE PADERNE	PADERNE	CORUÑA, A	ADSL	25M
AULA DE INFORMÁTICA DO CONCELLO DE VALDOVIÑO	VALDOVIÑO	CORUÑA, A	ADSL	3M
AULA DE INFORMÁTICA DO CONCELLO DE VILARMAIOR	VILARMAIOR	CORUÑA, A	ADSL	30M
AULA DE INFORMÁTICA DO CONCELLO DE CABANAS	CABANAS	CORUÑA, A	ADSL	4M
AULA DE INFORMÁTICA DO CONCELLO DE CEDEIRA	CEDEIRA	CORUÑA, A	ADSL	30M
AULA DE INFORMÁTICA DO CONCELLO DE CERDIDO	CERDIDO	CORUÑA, A	ADSL	20M
AULA CEMIT / AULA DE INFORMÁTICA DE SAN SADURNIÑO	SAN SADURNIÑO	CORUÑA, A	ADSL	25M
AULA DE INFORMÁTICA DO CONCELLO DE BOIMORTO	BOIMORTO	CORUÑA, A	ADSL	30M
AULA DE INFORMÁTICA DO CONCELLO DE BRION	BRIÓN	CORUÑA, A	ADSL	30M
AULA DE INFORMÁTICA DO CONCELLO DE LOUSAME	LOUSAME	CORUÑA, A	ADSL	20M
CONCELLO / XULGADO DE PAZ / SGC / AULA DE INFORMÁTICA DE CARNOTA	CARNOTA	CORUÑA, A	ADSL	30M
EDIFICIO MULTIUSOS CONCELLO DE FRADES	FRADES	CORUÑA, A	ADSL	20M
AULA DE INFORMÁTICA DO CONCELLO DE MAZARICOS	MAZARICOS	CORUÑA, A	ADSL	25M
AULA DE INFORMÁTICA DO CONCELLO DE MUROS	MUROS	CORUÑA, A	ADSL	20M
AULA DE INFORMÁTICA DO CONCELLO DE OUTES	OUTES	CORUÑA, A	ADSL	20M
AULA DE INFORMÁTICA DO CONCELLO DE PADRÓN	PADRÓN	CORUÑA, A	ADSL	20M
AULA DE INFORMÁTICA DO CONCELLO DE O PINO	PINO (O)	CORUÑA, A	ADSL	30M
AULA DE INFORMÁTICA DO CONCELLO DE ROIS	ROIS	CORUÑA, A	ADSL	30M
AULA DE INFORMÁTICA DO CONCELLO DE SANTISO	SANTISO	CORUÑA, A	ADSL	30M
AULA DE INFORMÁTICA DO CONCELLO DE A BAÑA	BAÑA (A)	CORUÑA, A	ADSL	30M
AULA DE INFORMÁTICA DO CONCELLO DE SOBRADO	SOBRADO DOS MONXES	CORUÑA, A	ADSL	20M
AULA DE INFORMÁTICA DO CONCELLO DE TORDOIA	TORDOIA	CORUÑA, A	ADSL	20M
CONCELLO / XULGADO DE PAZ / AULA DE INFORMÁTICA DE TOURO	TOURO	CORUÑA, A	ADSL	30M



AULA DE INFORMÁTICA DO CONCELLO DE TRAZO	TRAZO	CORUÑA, A	ADSL	20M
AULA CEMIT / AULA DE INFORMÁTICA DE VEDRA	VEDRA	CORUÑA, A	ADSL	30M
CENTRO DE INFORMACION A MULLER ZAS	ZAS	CORUÑA, A	ADSL	20M
CENTRO SOCIOCULTURAL DE MEICENDE	ARTEIXO	CORUÑA, A	ADSL	4M
AULA DE INFORMÁTICA DO CONCELLO DE CARRAL	CARRAL	CORUÑA, A	CABLE	200M
AULA MUNICIPAL DE A CORUÑA	CORUÑA (A)	CORUÑA, A	CABLE	200M
AULA DE INFORMÁTICA DO CONCELLO DE CULLEREDO	CULLEREDO	CORUÑA, A	CABLE	200M
AULA DE INFORMÁTICA DO CONCELLO DE LARACHA	LARACHA (A)	CORUÑA, A	CABLE	200M
AULA DE INFORMÁTICA DO CONCELLO DE MIÑO	MIÑO	CORUÑA, A	CABLE	200M
AULA DE INFORMÁTICA / KIOSCO DE OLEIROS	OLEIROS	CORUÑA, A	CABLE	200M
AULA DE INFORMÁTICA DO CONCELLO DE ORDES	ORDES	CORUÑA, A	CABLE	200M
AULA DE INFORMÁTICA DO CONCELLO DE ARTEIXO	ARTEIXO	CORUÑA, A	CABLE	200M
AULA DE INFORMÁTICA DO CONCELLO DE PONTECESO	PONTECESO	CORUÑA, A	CABLE	200M
AULA DE INFORMÁTICA DO CONCELLO DE FENE	FENE	CORUÑA, A	CABLE	200M
AULA DE INFORMÁTICA DO CONCELLO DE ARES	ARES	CORUÑA, A	CABLE	200M
AULA DE INFORMÁTICA DO CONCELLO DE MUGARDOS	MUGARDOS	CORUÑA, A	CABLE	200M
AULA DE INFORMÁTICA DO CONCELLO DE NARÓN	NARÓN	CORUÑA, A	CABLE	200M
AULA DE INFORMÁTICA DO CONCELLO DE BOIRO	BOIRO	CORUÑA, A	CABLE	200M
AULA DE INFORMÁTICA DO CONCELLO DE AMES	AMES	CORUÑA, A	CABLE	200M
AULA DE INFORMÁTICA DO CONCELLO DE NOIA	NOIA	CORUÑA, A	CABLE	200M
AULA DE INFORMÁTICA DO CONCELLO DE ARZÚA	ARZÚA	CORUÑA, A	CABLE	200M
CASA DA CULTURA DE RIANXO	RIANXO	CORUÑA, A	CABLE	200M
AULA DE INFORMÁTICA / CONFRARÍA DE AGUIÑO	RIBEIRA	CORUÑA, A	CABLE	200M
AULA DE INFORMÁTICA DO CONCELLO DE SANTA COMBA	SANTA COMBA	CORUÑA, A	CABLE	200M
AULA DE INFORMÁTICA DO CONCELLO DE TEO	TEO	CORUÑA, A	CABLE	200M
DEPUTACIÓN DA CORUÑA - SERVIZOS CENTRAIS	CORUÑA (A)	CORUÑA, A	CABLE	1G
PAZO DA ÓPERA - CONSORCIO PARA A PROMOCIÓN DA MÚSICA	CORUÑA (A)	CORUÑA, A	CABLE	200M
CENTRO DE INFORMACION Á MULLER ARTEIXO	ARTEIXO	CORUÑA, A	CABLE	200M
CENTRO MUNICIPAL DE SERVIZOS SOCIAIS DE FENE	FENE	CORUÑA, A	CABLE	200M
SERVIZOS SOCIALES DE SANTA COMBA	SANTA COMBA	CORUÑA, A	CABLE	200M
DEPUTACIÓN DA CORUÑA - SERVIZOS CENTRAIS	CORUÑA (A)	CORUÑA, A	ETHERNET	10G
AULA DE INFORMÁTICA DO CONCELLO DE CORISTANCO	CORISTANCO	CORUÑA, A	FTTH-NEBA	30M
AULA DE INFORMÁTICA DO CONCELLO DE BERGONDO	BERGONDO	CORUÑA, A	FTTH-NEBA	30M
AULA DE INFORMÁTICA DO CONCELLO DE ZAS	ZAS	CORUÑA, A	FTTH-NEBA	30M
AULA DE INFORMÁTICA DO CONCELLO DE DODRO	DODRO	CORUÑA, A	FTTH-NEBA	30M
AULA DE INFORMÁTICA DO CONCELLO DE VAL DO DUBRA	VAL DO DUBRA	CORUÑA, A	FTTH-NEBA	30M
AULA DE INFORMÁTICA DO CONCELLO DE CARIÑO	CARIÑO	CORUÑA, A	GPON-NEBA	100M

